

*Suid-Afrikaanse
Woonwa-Assosiasie*
SAWA



*South African
Caravan Association*

wawiel

Jaargang 32 Vol. 3



Wapadrand

INHOUD

INHOUD	BL 2
STILTETYD.....	BL 3
BANKBESONDERHEDE	BL 3
BESTUURSLEDE	BL 4
REDAKSIONEEL	BL 5
HUIS HORISON	BL 5
UIT DIE VOORSITTER SE PEN	BL 6
WAPADRANDER WORD SAWANANT	
VAN DIE JAAR	BL 7
WAPADRAND SENIORS.....	BL 8
WAPADRAND JUNIORS	BL 9
KAMPE:	
REILYNN JANUARIE	BL 10,11
JA-JA-JA BAKARA	BL 12,13
HONDERD PLUSSERS BUSH INN.....	BL 14,15
WAPADWINKEL	BL 16
DIE TOERIENS IN IERLAND.....	BL 17
VERJAARSDAE EN	
HUWELIKSHERDENKINGS	BL 18
LIEF EN LEED.....	BL 18
KAMPPROGRAM 2022	BL 19



Psalm 9:10

So is die Here dan 'n rotsvesting vir die verdrukte,
'n rotsvesting in tye van benoudheid.

STILTETYD

Rondom al die gebeure in die wêreld kan ons nie anders as om tog benoud te voel nie. Ons voel magteloos en baie mense weet nie hoe om die druk van omstandighede te hanteer nie. Die Almagtige skepper van hemel en aarde is vir ons 'n rotsvesting by wie ons kan skuil. Die God van wonders en by wie enige iets moontlik is. Laat rus al jou sorge by die Here, want Sy juk is sag en Sy las is lig. Gee alle eer aan die Here en loof en prys Sy naam.

Mev Hestie Bezuidenhout

Ons loof en prys U Here! Groot is U Naam. Ons sal juig en psalmsing tot eer van U Naam.
Amen.

BANKBESONDERHEDE

REKENINGHOUER: SAWA STREEK WAPADRAND

BANK: ABSA

REKENINGNR: 92 90 59 19 67

TAKKODE: 632005 (Ben Swartstraat)

TIPE REKENING: SPAARREKENING

BEWYSE moet aan Johan david.bronn@vodamail.co.za en cc janet-tat@vodamail.co.za gestuur word. Gebruik asb. jou naam, van en kort beskrywing van waarvoor die betaling is as verwysing.

Moet asseblief nie kontant by 'n bank inbetaal nie, aangesien dit onnodige bankkoste teweeg bring. Indien daar kontant is, bring dit liewer saam en betaal by die kamp.

Die 2021/2022 BESTUUR

VOORSITTER

Martin.a.rix@gmail.com

MARTIN RIX

Sel: 082 903 8342



ONDER VOORSITTER

Chris.pienaar@isithombe.co.za

CHRIS PIENAAR

Sel: 083 222 1920



SEKRETARESSE

janettat@vodamail.co.za

JANETTA TOERIEN

Sel: 082 325 5634



NUUSBRIEFREDAKTEUR

pienaars@netactive.co.za

DALEEN PIENAAR

Sel : 082 848 7478



PENNINGMEESTER

David.bronn@vodamail.co.za

DAVID BRÖNN

Sel: 082 878 9133



ADDISIONELE LID

bezuic@gmail.com

CHRISTO BEZUIDENHOUDT

Sel: 082 551 3475



ADDISIONELE LID

pienaars@netactive.co.za

DALEEN PIENAAR

Sel: 082 848 7478



Redaksioneel

Dis die nuwe jaar en ons is uit die blokke met ons eerste kamp naby Garstfontein nl. Kamp Reilynn. Ons sien uit na 'n gesonder nuwe jaar met baie geleenthede en wens alle Sawanante 'n voorspoedige 2022 toe. Ons is baie opgewonde oor die nuwe jaar en is reg vir 2022 se uitdagings. Onthou asb julle artikels en gaste!!!

Redaksie.



HUIS HORISON

Huis Horison het 'n behoefte aan nie-bederfbare voedsel. Lede wat bydraes wil maak, kan dit by enige bestuurslid aflewer of saamvat kamp toe. Martin sal dit gaan aflewer.

Hulle benodig ook die plastieksakke wat ons by winkels kry.en dan nog steeds finansiële ondersteuning.

Martin het onlangs die ligte in die sentrum vervang en hulle is baie dankbaar daarvoor.



Uit die Voorsitter se pen :



Beste Wapadranders,

Die jaar het met groot spoed begin en so is die eerste drie maande van 2022 ook alreeds verby, om die waarheid te sê, die eerste skoolvakansie is ook alreeds verby. Hoop al die kinders het darem die eerste vakansie geniet.

Met groot waardering kan ons ook terugkyk na 'n kwartaal wat vir ons drie kampe gebied het. Met die Covid-19 reëls wat verslap is, kon ons die jaar begin by kamp Reilynn, daarna die JaJaJa-kamp by Bakara en die kwartaal is afgelsuit by Afsaal met die lang-naweek in Maart.

By Bakara het ons amptelik die lig laat sien aan die Wapadwinkel met baie groot sukses. Graag wil ek vir 'n ieder en 'n elk vra om iets te bring vir die winkel om te verkoop. So in ons maklik geld vir die kas en hoef ons nie groot planne te maak vir ander fondsinsamelingsprojekte nie. Baie dankie aan Daleen wat hier die inisiatief aan die dag gelê het en die leiding geneem het.

Die kampbywoning bly egter vir die Bestuur 'n groot bekommernis. Ons sal dit opreg waardeer as lede met ons eerlik is oor hoekom hulle nie kom kamp nie. Ons het met hierdie jaar se kampbeplanning sover moontlik aan al ons lede se behoeftes beantwoord, maar nogsteeds is lede traag om te kamp. Waar ons nou alreeds vra vir insette vir die beplanning vir die 2023 jaar, vra ek opreg dat almal hulle insette moet gee en dat meer van ons lede vir die res van die jaar, maar ook volgende jaar saam sal kom kamp. In dieselfde asem stoei ons om Kampkoördineerders te kry vir die kampe. Assseblief, steek julle hande op en maak dit so ook vir die Bestuur makliker om die kampe aan te bied.

Daar is ook nog net die Streekskamp te Buffelspoort in Mei oor voor die AJV in Augustus en ek wil nou ook alreeds vir lede vra om hulleself beskikbaar te stel om op die bestuur te dien. Alhoewel die nuwe SAWA-struktuur wat ná die Nasionale Jaarvergadering later in die jaar in werking tree, kan minder lede op die Streekbestuur dien, maar die ou gesegde lui: hoe meer hande, hoe lichter die werk, so kom ons poog om nog 'n goeie klompie lede op die bestuur te kry en indien enigsins moontlik om ook nuwe bloed op die bestuur te kry.

Soos wat ons alreeds vir die afgelope paar jaar doen, skenk ons nogsteeds ons kollettes aan Huis Horison. Met die ekonomiese situasie wat egter baie mense se rieme kort sny, vind die tehuis dit ook toenemend moeilik om die mas finansieel op te kom. Kan ek asb. 'n beroep doen op almal om te help met droë kruideniersware (blikkies kos ens.). Bring dit asb. saam na elke kamp, of kontak enige van die Bestuurslede om dit af te gee. Ons sal dan sorg dat dit op 'n gereelde basis by die tehuis afgegee word. Kom ons probeer ook so om 'n verskil aan daardie kinders en jongmense selewens te maak.

Geniet die volgende kwartaal se kampe en waar julle ookal beweeg, ry versigtig en bly veilig!

Aan ons Hemelse Vader, dankie vir die seëninge wat ons uit U hand ontvang! Maak ons altyd opreg dankbaar daarvoor!

Wapadrand groete

MARTIN





Sawanant van die Jaar kom toe Wapadrand toe.

Baie geluk Wynand Theron.

Die groot prestasie het Wynand nie sommerso te beurt geval nie. Dit kos baie harde werk en toewyding. Dankie ook aan Betsie sy regterhand.



Seniors:



Wapadrand het twee nuwe seniors by-gekry.

Welkom Daleen en Betsie by die 60'gers

Nou kan hulle ook in die korter ry by die bank gaan staan.

Huis Herfsblaar gaan dokter toe!

As mens se treë nog so lank is dat twee skoenlengtes tussen hak en toon inpas, gaan dit nog goed! Die probleem kom wanneer daar geen spasie tussen hak en toon is nie; dan word dit halwe skoenlengtes, dan kwart skoenlengtes.... wel dis skuifel.

Inklim: Eers die een voet, boude, ander voet en dan moet die kierie nog in. Ouma is maklik. Sy klim in, kry haar sit en dán begin die groot gestoei – die gordels! Ons is partykeer al amper by die dokter dan is die gordels vas...en dit gebeur níe stil nie.

By die dokter is die stappie ál te flink. Nou lê hy glad nie sy klagtes aan die dokter voor nie. Ek vra hoekom nie en hy sê hy het die vorige nag goed geslaap. Dis ook geen wonder nie want hy het homself in die kombers soos 'n papie toegerol , al Ouma se kombers ook gevat. Sy kla nie want hy slaap. Die gevolgtrekking: hy moet soos 'n baba styf toegedraai word in sy kombersie!

Klaar by die dokter, moet hulle nou weer in die kar kom: dis dieselfde proses met al die byklanke en gestry.

By die apteek gaan dit weer flink; dan weer die proses van inklim. Nou stop by 'n winkel vir melk en brood. Dis 'n proses op sy eie.

By die huis gekom (elke keer die in- en uitklimproses) drink ons eers tee ná die wegpak van wat gekoop is. Ek is **flóú!!**

Anoniem

Jeug:

Wapadrand is baie trots op Wynand Pienaar se spannetjie O19A Gauteng Noord, wat 'n silwer medalje op die "Junior Nationals" = SA Kampioenskappe verwerf het. Pragtig Wynand!!



Chrisjan en Sorin maak hulle eie pizzas

Tot die jeug het saam golf gespeel

Januarie Kamp—Kamp Reilynn naby Garstfontein

Januariemaand kamp ons toe by Kamp Reilynn. Ons is bevoorreg om ons eie kampterrein te hê en nogal in styl met 5-ster ablusie, koeltebome, grasperke, golfbaan, privaat kombuisgeriewe met pizza oond.... en n Pienk pelikaan

Baie dankie Reinardt en Lynette, vir julle gasvryheid en mooi plekkie.

Die naweek het ingeskop met 'n uitdaging toe dit die Vrydag begin reën het en die pad "n paar manne so bietjie senuweeagtig gemaak het. Gelukkig kon almal toe veilig inkom sonder probleme.

Vrydagaand se ontlaai-sessie met 'n kuier om die vuurtjie was baie gesellig en spoedig was dit doodstil vir 'n welverdiende ruskansie.

Saterdag het die almal golf geswem, ag ek bedoel gespeel op 'n pragtige maar papnat golfbaan. Saterdagaand het Wynand, Betsie, Reinardt en Lynette ons getrakteer op 'n baie heerlike Pizza-aand.

Sondag was die gebruiklike Oggenddiens wat ons aanlyn geluister het en voorsitterstee met heerlike gebak.

Omdat dit baie nat was moes die manne met die 4x4-voertuie bietjie help teen die steil bult uit.

Dankie aan Wynand en Betsie wat Kampkommandante was en Reinardt en Lynette wat hulle bygestaan het. Chris en Daleen was van die Bestuur se kant kampkommandante.



Kyk hoe beduie Betsie en Wynand.





Ek wonder wat vertel Reinardt vir Dawie



Prysuitdeling



Februarie Bakara naby Bela-Bela Negester

Ons gewilde Ja-Ja-Ja kamp was toe by 'n splinternuwe kamp, Bakara Lodge naby Bela-Bela.

Die meeste het darem die aanwysings hierdie keer baie mooi gevolg en die plek maklik gekry. Bakara was 'n groot verrassing. 'n Splinternuwe oord wat pragtige geriewe het. Jy kan sien dat die eienaars baie moeite en tyd insit en hulle is oop vir bespreking en raad van gesoute kampeerders.

Ons het Vrydagaand heerlik saamgekuier, Saterdag kon 'n paar 4x4-entoesiaste hulle motors gaan toets op die 4x4-roetes daar. 'n Heerlike restaurant is tot kampeerders se beschikking wat heerlike etes voorsien.



Die pragtige splinternuwe Bakara Lodge



Sondag-erediens onder die bome





4x4-entoesiaste het hulle voertuie gaan toets



Mooi kunswerke uit sand



Luilekker Saterdagoggend

Die honderdpluskers kamp by Bush Inn

Bush Inn is net buite Springs, dus nie te ver nie. As mens 100 of meer kampe gedoen het mag dié kamp op jou program wees.

Daar was hierdie jaar net 14 waens, maar hét ons gekuier! Pieter en Johanna van Biljon, gebiedsvoorsitter en -sekretaris, was kampkoördineerders.



Saterdagmiddag toe dit bietjie begin afkoel het, het ons speletjies gespeel: kroukie, petanque en een of ander waterkaskenade-ding met blikkies water en 'n tennisbal.

Andy het Wapadrand se naam hoog gehou met sy eerste plek in die blikkiesding en die naaste lê met petanque.

Johanna het ons bederf met 'n mexikaanse ete en later het Jannie Meyer musiek gemaak en ons het gesing... wel, die wat kon.

Wie die babas van die jaar is, moes bepaal word; dis die paar met die minste kampe. Vir die tweede jaar in 'n ry was dit Chris en Leatitia Joubert (nasionale penningmeester). Natuurlik moes



daar ook 'n burgemeesterspaar gekies word en dit is Oom Philip en Tannie Hettie. Elkeen het ook 'n geskenk gekry; 'n staalborsel vir die braai en 'n geborduurde vadoek, baie spesiaal.

Ons sien uit na volgende jaar se bederf.



*Haak hom Blikkies of is dit jou swaai
hom blikkies. Andy was eerste!*



Tot kroukie gespeel



Wapadwinkel



Neute en koeksisters te koop

En so word 'n nuwe inisiatief gebore. Wapadrand se Wapadwinkel. Die doel van die winkel is om fondse deur die jaar in te samel wat kan help met uitgawes soos ons jaareindfunksie.

Henk het messe skerpgemaak, Daleen het koeksisters en neute en onderlaag verkoop. Ons wil ook die geleentheid skep vir Sawanante wat hulle eie koek en beskuit bak, groente kweek ens om dit te kom verkoop. Ons het huis so 'n ywerige breiklub. So skep ons ook 'n geleentheid onder ons om 'n geldjie te maak.

Ons beplan om nog verder uit te brei waar ons items ook aan die publiek kan verskaf.

Ons wil graag ten minste met elke kamp 'n stalletjie met items hê en vra almal se insette en ondersteuning.



Henk maak messe skerp



Beskuit - foto geleen

Die Toerisms in Ierland

Ons was onlangs so bevoorreg om in Ierland te gaan kuier by ons kinders. Hulle het in 2020 na Ierland verhuis nadat ons skoonseun, André, 'n baie goeie pos aangebied is. Hulle bly in Dublin.

André en Amélie, ons kleindogter, het ons op die lughawe ontmoet met 'n plakkaat wat sê: "**Céad mile fálte**". Dit beteken: " 'n Honderdduisend keer welkom".

Dit is 'n pragtige land met 'n ouwêrelde kultuur en argitektuur. Die geskiedenis loop diep! Wat ons ook opgeval het is die lere se vriendelikheid; mens kan enigeen vra hoe om by 'n plek uit te kom en die Garda (polisie) is ook baie behulpsaam.

Werk is volop. By elke besigheid of instansie is kennisgewings dat werk beskikbaar is. Daar is nie spesifieke skoonmakers, pakkers of kassiere in die winkels nie. Almal pak rakke, maak skoon ens. en as dit nodig is word nog 'n toonbank oopgemaak. Mens kan self aankope inskandeer en betaal (natuurlik met 'n kaart), maar gelukkig vir my, was daar altyd iemand om 'n elektronies-gestremde soos ek by te staan.


Dublin het 'n goed geïntegreerde vervoerstelsel. Een item op my kluitklaplys was om met 'n trem te ry. Min het ek geweet dit gaan die gereelde vervoer wees. Die Dubliners het 'n **Leap-kaartjie** waarop geld elektronies gelaai word. Daarmee ry jy bus, trem en trein. Maar méns, lóóp daai mense! Om die kinders te vergesel skool toe en weer te gaan haal is, sonder die busrit, 4,4 km. Ek was flou!

Ons het 'n hele paar plekke besoek in Dublin, onder andere die oudste vis-en-tjippie (1913, en het tot so onlangs as 1991 nog 'n diepbraaier wat met steenkool werk gebruik; nou elektries), die beroemde Temple Bar, die grootste stedelike park in Europa, Phoenix Park, waar ons raakafstand van die takbokke af was en die Guinness brouery. Die oorspronklike stigter van Guinness, Arthur Guinness, was so versiende en verseker van sy produk dat hy die perseel in 1759 vir 9000 jaar gehuur het teen £45 per jaar en daarmee saam die waterregte van die Wicklowberge. Die water is 'n kerndeel van die spesifieke Guinness-smaak. Ook baie belangrik is die gis. Arthur wou seker maak van die voortbestaan van Guinness en 'n plantjie van die gis is baie diep weggebêre teen -273 °C.

Ons het vir 'n week gaan vakansie hou aan die weskus. Die naaste dorpie is Doonbeg. Dit is deel van die **Wild Atlantic Way**. Die Cliffs of Moher was 'n belewenis. Ek het selfs geklim tot by die uitkykpunt by O'Brian's Tower. Nodeloos om te sé, ek het nie een van die **cliff walks** gedoen nie, heeltemaal te veel loop en boonop opdraand.

Ons het ook die Doolin-grotte besoek. Stel jou voor: 125 trappies loodreg af (mens moet dit weer opklim!!) in 'n skag wat gemaak is om dit toeganklik te maak vir die publiek. Die grotte is in 1952 per toeval ontdek deur twee jong studente, lede van 'n spelunkingklub, wat amper 'n kilometer ver deur 'n nou tonnel onder tonne rots deurgekruip het. Die grotte spog met die grootste stalagtiet in Europa. Die terrein met die grotte is in privaatbesit.

Andy koop Vis en Chips



Ha'penny Brug

Cliffs of Moher



Verjaarsdae en Huweliksherdenkings

Veels geluk aan almal wat in Januarie, Februarie en Maart verjaar het en hulle huweliksherdenking gevier het.

Verjaarsdae

Jannike	(Vlok) Theron	9 Januarie
Liam	Müller	14 Januarie
Tersia	Rix	16 Januarie
Reinardt	Van Rensburg	24 Januarie
André	Hattingh	25 Januarie
Vernon	Müller	28 Januarie
Lynette	Van Rensburg	29 Januarie
Anandi	Van Rensburg	05 Februarie
Andy	Toerien	06 Februarie
Annie	De Villiers	11 Februarie
Nicola	Rabie	11 Februarie
Daleen	Pienaar	23 Februarie
Chrisjan	Pienaar	23 Februarie
Betsie	Theron	26 Februarie
Chris	Pienaar	01 Maart
Christiaan	Bezuidenhout	03 Maart
Gerhardt	Coetzee	06 Maart
Amanda	Burger	06 Maart
Letitia	Coetzee	09 Maart
Wynand	Pienaar	10 Maart
Johan	Viljoen	13 Maart
Piet	Du Plessis	13 Maart
Mieke	Pienaar	20 Maart
Kihan	Van Rensburg	23 Maart
Natasjha	Du Plessis	24 Maart
Kobus	De Kock	29 Maart
Reuben	Theron	30 Maart

Huweliksherdenkings:

Ursula & Schalk van Shalkwyk	5 Januarie	58 jr
Geraldine & Seppie Muller	12 Februarie	45 jr
Erika en Kobus de Kock	11 Maart	44 jr
Riana en Carel Combrink	14 Maart	41 jr
Natashia & Jos Rabie	27 Maart	18 jr

Lief en leed:

David, Stephanie en Elané Brönn en Gerrie en Rina van Aswegen het Covid gehad. Gelukkig is almal beter
Rina se gesondheid is baie beter van sy die pasaangeër ontvang het.

Chrisjan het 'n fratsongeluk by die skool gehad en sy oog beseer.



SAWA Wapadrand Jaarprogram 2022

		2022 Kampnaweke		2022 Kampplekke		Plekk e	Bestuurslid/ Kampkommandant
Januarie	7-9	14-16	21-23	28-30	Reinardt se plek	10	Daleen en Chris
Februarie	4-6	11-13	18-20	25-27	Jajala	10	Janetta
Maart	4-6	11-13	18-21	25-27	Afsaal	10	Martin
April	1-3	8-10	14-18	22-24	29-2 Presidente		
Mei	6-8	13-15	20-22	27-29	Buffelspoort	10	Daleen en Chris
Junie	3-5	10-12	17-19	24-26	Weesgerus	10	
Julie	1-3	8-10	15-17	22-24	29-31		
Augustus	5-7	12-14	19-21	26-28	Bosveld Oase	10	Bestuur
September	2-4	9-11	16-18	23-25	30-2 Almega	10	Daleen en Chris
Oktober	7-9	14-16	21-23	28-30	Dinokeng Resort	10	David
November	4-6	11-13	18-20	25-27	Drie Berge	10	Bestuur
Desember	2-4	9-11	15-18	23-27	30-1		